

1278 Mai 2 Rappenberg.

[48
114]

Bischof Everhard von Münster überträgt das Erbe Honhuß bei Coesfeld dem Stifte Warlar.

Nos Everhardus, Dei gratia episcopus ecclesiae Monasteriensis, universis praesentia visuris notum facimus, quod Ludolphus miles de Wernen in nostra praesentia constitutus domum, quae dicitur Honhuss, sitam iuxta Cosfeldiam, quam a nobis jure feudali tenuit, una cum uxore et liberis, suis haeredibus, in manus nostras resignavit ea praevia ratione, ut proprietatem dictae domus monasterio Varlarensi Praemonstratensis ordinis iure haereditario conferremus.

Nos igitur dictam ecclesiam speciali prosequentes dilectione et petitione praehabiti militis inclinati praefatam domum Honhuss cum universis suis attentitiis praeposito et conventui monasterii Varlarensis praedicti conferimus per praesentes, recipientes pro eadem domo ab eodem Ludolpho milite jus proprietatis domus de Oldendorpe; sitae in parochia Sepenrode, et domum sitam in Wernen, dictam Riddereshuss, quas in recompensationem proprietatis domus Honhuss praedictae idem Ludolphus et sui posterii tenebunt a nobis jure, quo alteram domum tenuerant, feudali. Cuius rei testes sunt Hartlevus praepositus, Rodolphus prior, Conradus cellerarius Capenbergensis; Henricus decanus sancti Georgii Coloniensis; Henricus notarius noster; Conradus dictus Strick, Henricus dictus Kerssekorff, Henricus de Ovethe, Wilhelmus de Mengede milites et alii quam plures. In cuius rei testimonium praesens scriptum eidem monasterio Varlarensi contulimus sigilli nostri munimine confirmatum. Datum in Capenberg anno Domini M^oCC^o septuagesimo octavo, in crastino apostolorum Philippi et Jacobi.

Kopie im Warlarer Kopiar S. 101.